

A2^r

Den Edlen/ Feften/ Fürfichti=

gen / ehrfamen vnd weifen Herrn / Stattpfleger / Bür= germeister vnd Raht/ der Keyferlichen Reichßftatt Aug= ſpurg/ ꝛc. vnfern gũnftigen/ gebieten= den Herrn.

EDle/ Fefte/ Fürfichtige/ ehrfame vnd weife

Herrn/ euweren Edlen/ ehrfamen/ fürfichtigen Weiß= heiten feyen vnfer vnderthånige / gantzwillige Dienft / mit wũnſchung alles guten/ zuvor. Gũnftige/ gebieten= de Herrn: Es werden von Joſepho in dem eyngang der alten Jũdiſchen Geſchicht Befchreibung vier vnder= ſchiedliche vrfachen angezogen/ dadurch die Scriben= ten allerley verlauffene Hãndel ſchriftlich an den tag zu bringen gemeinlich bewegt werden. Deñ etliche / dieweil ſie jre Sachen mit artiger/ wolgeſetzter Rede zierlich darzuthun vermeinen/ folcher jrer Kunft hal= ben einen beſondern Ruhm zu erlangẽ verhoffen. Andere/ damit ſie vmb die je= nigen/ deren Thaten ſie zu beſchreiben fürgenomẽen / danck verdienen / mit höch= ſtem fleiß / ob es gleich weit vber jr vermõgen iſt/ ſich deſſelbigen vnderſtehen. Es werden auch jrer etliche auß hochdringender not die Hãndel/ denen ſie mehrer= theils in eygner Perſon beygewohnt / eygentlich vnd gründtlich herfür zu brin= gen gezwungen. Zu letzt/ ſind jrer nicht wenig durch betrachtung der nutzbar= keit/ ſo auß der Hiſtorien erkanntnuß erfolgt / zu beſchreibung derſelbigen ver= vrfacht worden. Wiewol aber Joſephus/ als er anzeigen wil / was jn zum ſchrei= ben am meiſten getrieben hab / vnter oberzehnten vrfachen die zwo letzten für= wendet/ ſo mõgen doch die andern zu erftgemeldten gleich mit vndergelauffen feyn / Vnd / wie er in ſeinen Schrifften ſelbs vermeldt / haben jn zwar beyde Key= ſer/ Veſpalianus vnd ſein Son Titus/ ſeine Bũcher / darinnen auch jre mann= liche tapffere Thaten vnd löbliche Tugenden gerũhmt werden/ gefallen laſſen. Er aber hat bey allen den jenigen/ die ſeine Bũcher mit verſtandt geſehen / ein ſolches herrliches Lob darvon bracht / daß er von etlichen hochberũhmten Leu= ten der Griechiſche Liuius genennt worden iſt.

Sintemal denn er vnd andere fürtreffliche Mãnner/ durch oben ange= regte vrfachen ſich zu ſolcher jrer mühfamen arbeit haben treiben laſſen/ War= umb wolte vns denn der viel geringern mühe / jre Schrifften zu leſen/ vnd da= durch in mancherley alter Geſchicht erfahrung zu kommen/ verdrieffen? ſo doch ſolches mit geringer arbeit vnd groffem luſt geſchehen kan / vnd die erkãnt= nuß der Hiſtorien nicht allein an jr ſelbs lieblich / vnd bey allen verſtãndigen löblich vnd rühmlich/ fondern auch zu tãglichem gebrauch in gemeinem Leben hochnõtig vnd vber die maſſen nũtzlich iſt. Denn was kan ein Menſch/ der we= der ſelbs etwas gelehẽ oder erfahren/ noch von andern gehõrt oder geſehen hat/ für luſt vnd freud/ oder lob vñ ruhm/ bey gelehrten/ weifen Leuten/ haben? Was

a ij kan er

A2^v

Vorrede.

kan er jm felbs oder andern nüt3 feyn? wie kan er zu wichtigen Händeln/ fonderlich in Regimentsfachen / gebraucht werden?

So denn in gemein allen Menfchen vergangner Händel erfahruß der= maffen nützlich vñ fo nötig ift/ daß on diefelbige weder gemeine Land vñ Statt/ noch fonderliche Hauß Regierung / vnd eines jeden felbs eygner wandel / recht vnd wol mit lob vnd ehren angeftellt werden mag / Wie viel mehr wirdt es vns Chriften von nöten feyn/ daß wir vns die gewiffen vnlaugbaren Gefchichten/ fo vns in heiliger Schrift / deren warheit vngezweyffelt / fürgetragen werden/ bekannt machen/ dadurch wir nicht allein / wie auß andern Hiftorien/ was zu diefem zeitlichen Leben dienlich ift/ fondern auch Gottes vnd feines willens erkannthuß / die vns zur ewigen Seligkeit befördern / zu erlernen haben.

Dieweil denn in gedachter heiligen Schrift von vielen Landen/ Stät= ten/ Leuten vnd Händeln/ meldung gefchicht / auch von der Monarchien vnd fürnemelten Reich veränderungen geweißagt wirt/ ift zu mehrerm verftandt derfelbigen hoch von nöten/ daß darneben auch andere Bücher / darinnen folche Gefchichtbefchrieben / gelefen werden. In fonderheit aber find hiezu deß Jofephi Schriften für andere am dienlichften / dieweil er nicht allein die Hiftorien von anfang der Welt her / mit außlegung der Hebreifche Namen/ Heydnifcher Scribenten zeugnuffen / vnd anderen nutzbarlichen bericht / ordenlich erholt / fondern auch diefelbigen etlich hundert jar weiter erfreckt/ vnd an dem ende/ da es die Propheten gelaffen haben/ fortfehrt.

Es ift aber in feinen Büchern nicht allein / wie funft in andern Heydnifchen Gefchichten / darauff zu fehen/ wie in Regimenten mancherley neuwe= rung fürgefallen/ auß was vrfachen Krieg vnd Embörungen entftanden/ wie Gott an den Menfchen/ hohes vnd nidern ftandts/ in gemein vnd in fonderheit/ die Gottsforch vñ Tugenden jeder zeit mit allerley wolffahrt belohnt/ die Lafter aber vnd Gottloß wefen vielfeltig getroffen hab/ Sondern/ als auch Jofephus fürnemlich von deß Jüdifchen Volcks Ankunfft/ zunerñen/ Policy/ Ehr/Reichthumb / Gewalt vnd Herrligkeit/ durch Göttlichen beyftandt vnd Wunderwerck / auch jren Ceremonien/ Satzungen vnd Gebräuchen/ erfichtlich/ darnach widerumb von aller obgemeldten Sachen verluft vnd veränderung/ zu letzt auch von jrer Policy/ Regiments/ Priefterthumbs/ Land/ Leut/ Statt vnd Tempels/ jämmerlichem verderben vnd endtlicher verwüftung / gefchrieben/ find mit allem fleiß deß HERREN Chrifti vnd feiner Propheten Weißfagung hievon/ vnd die vrfachen / warumb Gott folche Policy/ die er mit fo großen Wunderthaten beyde angericht / vnd in die anderthalb tauſend jar erhalten/ fo ſchrecklich hab laffen vertilgen/ zu behertzigen.

So viel denn die Propheceyen belangt / ift derfelbigen die gantze heilige Schrift voll / lintemal alles/ was beyde/ der zwölf Stämmen der Jraeliten gemein/ vnd den Jüden in fonderheit/ guts vnd böfes zu jeder zeit widerfahren/ vorhin von Gott den Patriarchen / vnd folgends durch fie / die Ertzvätter/ vnd andere Propheten/ den Kindern Jrael vnd Juda verkündigt worden ift. So haben auch/ Mofes fo wol als die andern Propheten / nicht allein von Affyri=

fcher

A3^r

Vorrede.

licher Gefengnuß der zehen / vnd Babylonischer der zweyen/ Stämmen/ sondern auch von deß Jüdischen Volcks Statt vñ Tempels endtlicher zerftörung / geweiffagt / wie denn auch der HERR Christus felbs im neuen Teftament gantz klärlich vnd außdrücklich/ mit großem erbärmd vnd mitleiden/ nicht on fließende Threnen / davon geredt hat.

Wie nun folche Weiffagungen von anfang zu end erfüllt / vnd ins werck gericht worden feyen/ geben die Bibliichen/ vnd zum theil auß denfelbigem genommene/ zum theil auch nach denfelbigem erfreckte Jofephische Befchreibungen/ gnugfam zu verftehen/ also/ daß zum offtermal die Hiftorien eben mit denen worten dargethan werden/ mit welchen vormals davon gepropheyrt worden ift. Darauß denn / wie Jofephus felbs hin vnd wider in feinem Werck anregt / augenfcheinlich zu erlernen/ was von den Prophetischen Weiffagungen zu halten / wie diefelbigem on allen fehl vollzogen müffen werden/ wie der Göttlichen Fürfehung alle ding vnderworffen feyen / vnd on feinen willen nichts gefchehen kan/ daß man auch / beyde/ an den warnungen vnd dräuungen/ vnd an den zufagungen vnd vertröftungen feines worts / zu zweyffeln desto weniger vrfach haben / vnd menniglich deffen gewiß vnd verlichert feyn fol/ daß alles/ was noch hinderftelliger Propheceyen fürhanden / fo noch nicht erfüllt/ nicht gar dahinden bleiben / sondern gleicher gefalt / als die vorigen/ zu feiner zeit jr endtschafft erreichen müffen.

Die vrfachen aber / beyde / deß anfangs vnd deß außgangs der Jfraelitischen vnd Jüdischen Policey / können vnd sollen am aller besten auß der Prophetischen vnd Apoftolischen Schrift/ fo man nicht allein die Hiftorien oben hin anfehlet/ sondern auch Göttliche / beyde / dem Gefatz / fürnemlich aber dem Euangelio angehengte verheiffungen betrachtet / verstanden werden. Vnd redt Jofehus dem Gefatz nach nicht vnrecht vom handel / wenn er sagt / daß Gott vmb deß Abrahams frombkeit willen feinen Nachkommen/ biß in fo manches Glied/ guts erzeigt / vnd fie auß mancherley nöten wunderbarlich errettet/ Vmb deß Herodis bößheit willen fein Gefchlecht / wie groß es auch gewesen/ in hundert jaren schier gar vertilgt/ Vmb deß Gefetzes vnd der Propheten verachtung vnd vbertretung willen/ die Jfraeliten vnd Jüden in Gefengnuß vnd verderben gefürtzt hab / wie er denn auch vorhin deß Cains Gottlofem Gefchlecht / von wegen jrer vilfaltigen Laftern / durch die Sündfluß den garauß gemacht / vnd den frommen Noah vmb feiner Gerechtigkeit willen erhalten hat. Doch ift dieses weder die einige noch die fürnemliche vrfach deß auffkommens oder abgangs der Jüdischen Policey/ warumb nemlich Gott eben daffelbig Volck erflich allen Völkern in der gantzen Welt fürgezogen/ darnach mehr denn kein Gefchlecht auff Erden geplagt hab. Denn die heilige Schrift vns durchauß nur auff den HERRN Christum weiset / wie denn er felbs durch deß Königlichen Propheten Dauids Mund spricht: Sihe / Jch komme/ im Buch ift von mir gefchriben. Vñ durch feinen eygnen Mund/ Sucht in der Schrift/ Sie ifts / die von mir zeuget. Moses hat von mir gefchrieben. Es muß alles erfüllt werden/ was von mir gefchrieben ift im Gefetz Mofi/ in den Propheten/

a iij vnd

A3^v

Vorrede.

vnd in Pfalmen. So gilt es nun jm alles / was von dem Jüdifchen Volck/ Land/ Königreich/ Priefterthumb/ Ceremonien/ Satzungen/ Opffern/ Propheceyen/ Herrligkeiten / Wunderwercken/ vnd allen Händeln durchauß / auch von jrem endtlichen vndergang / gefagt wirt. Vmb Chriftus willen hats einen anfang genommen/ Vmb Chriftus willen hat es auch wider ein end genommen. Denn als der Allmächtig/ gnädig vnd barmhertzig Gott/ die Menfchen/ die er zur ewigen Seligkeit gefchaffen / der Teuffel aber durch die Sünd in die verdañnuß geführt hatte / widerumb zu Gnaden angenommen/ hat er jnen Chriftum verheiffen/ derfelbige Sam deß Weibs folt der Schlangē den Kopff zurtretten/ derfelbige Son der Jungfrauen folt deß Teuffels Werck zerftören / derfelbige Gottes Son folt vmb der Menfchen willen ein Son deß Menfchen vnd warer Menfch werden / auff daß er für die Menfchen leiden/ vnd jrer Sünden ftraff auff fich nemmen kündte. Daß nun folches zu feiner zeit gefchehen/ vnd vnter den Menfchen gepredigt werden möchte/ mußte Adam nicht alsbald fterben/ fondern noch neunhundert vnd dreyßig jar auff Erden leben/ auff daß Chriftus von feinem Gefchlecht herkömnen / vnd jm ein Kirch auß den Menfchen verfamen möchte. Vmb diefer vrfachen willen hat Gott durch die Sündflut die Menfchen nit gar vertilgt/ fondern den Noah felb acht erhalten. Als auch nach der Sündflut das Menfchlich Gefchlecht fich widerumb gemehrt / vnd weit außgebreytet/ vnd aber von nöten war/ daß Chriftus der Heyland / on den niemand felig werden mag / erkannt würde/ hat Gott felbs dem Abraham / wie hernach gleicher gefalt dem Jfaac vnd Jacob/ von jm gepredigt / vnd jn verheiffen/ daß der HERR Chriftus von feinem Gefchlecht herkommen fol / Deßhalbē auch feinen Nachkömnen das Land Canaan/ das vmb diefer vrfachen willen das Gelobt Land genennt wirt / verprochen/ vnd fie zu einem befondern Volck anzunehmen zugefagt/ nicht daß Gott allein jr Gott feyn/ oder fie allein felig haben wolte: Denn die Verheiffung lautet/ daß nicht allein Abrahams/ fondern alle Gefchlecht auff Erden/ in feinem Samen gefegnet werden follen / Sondern darumb hat er dieses Volck erwehlt/ vnd jm ein befondere Landfchafft eyngegeben / auff daß ein gewiffes Ort in der Welt were/ da die Kirch vnd Volck Gottes zu finden / darunder fich Gott durch fein Wort vnd Wunderwerck offenbarete/ von feiner Lehre zeugnuß gebe / vnd dieselbige durch gewaltige vnwiderfprechliche Zeichen feiner Göttlichen warheit vnd gegenwertigkeit bekreffigte/ Auff daß auch dafelbs die Leut folche von Gott geoffenbarte Lehre predigen vnd hören / lehren vnd lehrnen möchten/ Vnd daß vnter folchem Volck die Prophetifchen Schriffthen verwaret/ auch rechter verftandt vnd erklärung derfelbigen auff die Nachkömnen erhalten würde / Alles aber vmb deß HERREN Chrifti willen/ daß derfelbige erkannt/ vnd ein gewiffes Ort vnd Volck in der Welt were/ da heut oder morgen der HERR Chriftus Menfchliche Natur an fich nemmen / vñ feine Lehr mit Wunderzeichen beftätigen möchte. Diefer vrfach halben hat Gott die Kinder Jfrael in Egypten Land/ im Roten Meer / in der Wüften / im Land Canaan / erhalten/ Vnd als vmb der Abgötterey willen die zehen Stämme in Affyrien hinweg geführt wurden/ den

Stammen

A4^r

Vorrede.

Stammen Juda sampt dem Geschlecht Dauid / dem die verheiffung gefchehen / im Land bleiben lassen / vnd wiewol auch dieselbigen hernach gen Babel gefchleyfft wurden / nach sibentzig jaren wider ins Land gebracht / in Syrifchen / Römifchen / vnd andern Kriegen / in Antiochi / Herodis vnd anderer Tyrannen verfolgungen / nicht gar verderben lassen / sondern jnen so lang vnd so viel beygestanden / biß daß die zeit kommen / daß der verheiffene Same Abrahams im gelobten vnd verprochenen Land / zu bestimpter zeit / in ernannter Statt / von darzu erwehltm Geschlecht / auff zuvor verfehene weiß / mit verheiffener Euangelifcher Lehr / vñ verordneten Wunderzeichen / sich sehen vnd hören lieffe. Dieweil aber von deß Propheten Mofe zeiten an noch wol mehr denn fünfzig hundert jar dahin waren / biß daß folches alles gefchehen folte / damit deñ folch Volck so lange zeit möchte erhalten werden / hat Gott auch ein Policy vnter jnen durch Mofen angericht / jnen allerley Ordnungen / so zu einer so großen Commun Regierung von nöten / fürgefchrieben / daß sie wußten / wie es vnter jnen mit Erblichafften / Kauffen vnd Verkauffen / Lehnen vnd Leihen / Beständtnuffen / Gerichten / Straffen der Lafter / vnd dergleichen / gehalten werden folte.

Daß aber jnen so viel Ceremonien / mit so mancherley vnderfchied der Prieftlerlichen Empter / Kleidung / Speifen / Felten / Feyern / Opffern / Reiniung / vñ was deß dings mehr ist / auferlegt worden feyn / ist auch alles vmb deß HERRN Chrifti vnd feiner erkanntnuß willen gefchehen / auff daß das Volck ja vrfach gnug hette zukommen / damit die Lehr vnd Predigt Göttlichen Worts vnter jnen desto leichter erhalten würde / daß sie auch wußtē / in wasserley übungen sie jre Gottfeligkeit beweifen / vnd sich zu der Göttlichen Lehr bekennen solten / Sonderlich aber / daß dieses Volck / von welchem Chriftus herkommen folte / ja gnugfam von allen andern Völckern vnderfcheiden würde / damit sein Geschlecht nicht vnbeant wete. Zu dem haben auch die Opffer / sampt andern gebräuchen / auff den künftigen Prieftler vnd Opffer / Chriftum felbs / deuten / vnd sein Ampt fürbilden sollen / wie denn Johannes der Täufer / da er in das Lamb Gottes nennet / alle Opffer von jm außgelegt hat. Dieses sind die vrfachen / darumb Gott eben dieses Volck jm von andern Völckern abgeföndert / vnd folche Policy vnd Kirchen Ordnung vnter jnen angericht hat. Warumb aber Gott hinwiderumb folchen erschrecklichen jammer / von vnerhörtem Hunger vnd Theuwrung / von graufamer Pestilentz vnd Sterben / von vnflüglicher Auffruhr vnd Zwytracht / Räuben vnd Morden / Plündern vnd Brennen / Kriegen vnd Blutvergießen / vnd endtlicher Zerftörung vnd verwüftung / davon Josephus am end der alten Jüdischen Geschichtē / vnd in den sibten Büchern vom Jüdischen Krieg / nach der leng geschrieben / vber dieses Volck hab kommen lassen / ist auß vnfers HERREN Chrifti Weiffagung hievon leichtlich abzunehmen / denn er außtrücklich / beyde / folchen erbärmlichen jammer verkündigt / vnd die vrfach anzeigt / dieweil sie / nemlich die zeit / darinnen sie heimgefucht worden / nicht erkennt haben / Denn sie haben den HERRN der Herrlichkeit / vmb deß willen allein sie so lange zeit so manche grof-

a iij fe gut=

A4^v

Vorrede.

Se gutthaten von Gott eyngenommen / den Eckstein deß gantzen Bauws verworffen/ seine Lehr nicht annehmen wöllen/ dieselbige nicht allein verachtet/ sondern auch auff aller feindseligkeit vnd grüßigkeit/ beyd/ an jm selbs vnd an seinen Apofeln verfolgt. Daruñ hat Gott an jnen angefangen/ die verachtung vnd verfolgung seines Euangelions dermassen zu straffen/ daß sie aller Welt ein Exempel deß allerfchrecklichsten zorn Gottes vber deß HERREN Christl. Feinde worden sind. Der Allmächtig Gott wolte/ daß solches nicht allein die Tyrannischen Verfolger/ sondern auch die Epicurische Verächter der reinen Christlichen Lehr/ zu gemüt führeten/ vnd jnen ein warnung seyn lieffen. Daß aber gleichwol nunmehr vielgemeldte Jüdische Policy dermassen abgeschafft/ vnd gründtlich verwüthet blieben/ ist auch ein vnwiderprechliche erweisung vnfers Glaubens an den HERREN Christum/ der Welt Heyland/ daß er ja kommen sey/ vnd wir auff keinen andern mit den vngläubigen Jüden zu warten haben/ fintemal das Regiment/ bey welches während dem Standt/ nach deß Patriarchen Jacobs weiffagung/ der HERR Christus kommen sol / vor so langer zeit vom Stammen Juda genossen ist / dieweil die Statt Beth=lehem/ darin er/ wie Micha sagt/ geboren werden sol/ nit mehr ein Glied deß Jüdischen Reichs ist/ Dieweil der Tempel/ darinn der HERR der Herrlichkeit vnd Friedeführt/ nach deß Propheten Haggai außsag/ erscheinen sol / auß dem grundt geriffen vnd geschleyffft ist/ dieweil die Statt/ darinn Christus außgerottet werden sollen/ durch das Volck deß Fürsten/ wie Daniel das on geredt/ schon verthöret worden/ vnd wie durch eine Flut ein ende genommen hat. Also muß nun der verwüthete Steinhauß/ da die Haupttatt deß Volcks Gottes vnd das Heiligthumb gefanden/ dem verheiffenen Messia zeugnuß geben/ daß er kommen seye / vnd derselbig gewißlich kein anderer seye/ denn eben der Mann Jesus/ der zur selbigen zeit/ wie Josephus von jm redt/ viel wunderbarerlicher Werck gethan/ vnd die jenigen/ so die warheit gern angenommen/ gelehrt hat/ vnd wiewol er von Pilato zum Creutz vervrtheilt worden / gleichwol am dritten tag seinen Liebhabern lebendig erschienen ist/ Von dem Johannes der Täuffer/ den Josephus auch einen frommen Mann/ vnd Lehrer der Gerechtigkeit/ nennet/ gezeuget/ vnd Jacobus/ den Ananus zu steinigen vervrtheilt/ gepredigt hat. Es wirt aber auch durch solche endtliche zerftörung deß Jüdischen Tempels der Phariseischen Christen jrrthumb verworffen/ die da durch die Leuitischen Gottesdienst für Gott gerecht zu seyn/ vnd Seligkeit zu erlangen vermeynen.

Das sind nun die fürnehmsten vrsachen / derhalben das Jüdische Priesterthumb vnd Königreich/ sampt jren Ceremonien vnd Policy Ordnungen ernstlich angerichtet / so lange zeit erhalten/ vnd zu letzt in grundt vertilgt worden ist/ Wie denn beyderley Hiftorien von deß Jüdischen Regiments anfang vnd zunehmen/ vnd widerumb von desselbigen abnehmen vnd vndergang/ von offtgedachtem Josepho auff allerfleißigst beschriben sind.

Nach dem wir denn betrachtet / daß gemeldte Josephische Hiftorien meniglichen/ hohes vñ nidern Standts/ zu lesen nicht allein anmütig vnd / lieblich sondern

A5^r

Vorrede.

fondern auch nützlich vnd notwendig / haben wir vor langem auch vnser arbeit vnd koften darauff zu wenden gedacht / daß er von den vnfern in gutem verftändtlichem Teutfchen gelesen werden möchte / Derhalben wir den Wolgelehrten / vnfern guten Freundt/ Magifter Johann Sprengen/ angeprochen/ daß er vns den gantzen Iosephum auß dem vrfprünglichen Griechifchen Text auffs neuw verteutfchen wölte/ welches er deñ zum mehrertheil gethan: Die weil er aber von vilfeltiger obligender gefchäftt wegen das Werck nicht fo bald/ als wir gewündfcht/ zum end bringen mögen/ haben wir mit gemeldtes Herrn/ Johann Sprengen / verwilligung / vnfern auch guten Freundt/ Zachariam Müntzer / erbetten / daß er vns zu gefallen/ vnd in betrachtung/ daß folche arbeit menniglichen nützlich/ lich folches Wercks vnderfangen/ vnd was zu delfelbigen vollführung noch gemangelt/ erfattet/ vnd vollendts in den Druck verfertiget hat.

Als denn ich / Sigmund Feyerabend/ in der Statt Augfpurg vnter

E. E. E. F. W. fchutz vnd fchirm gar nahe von Kind auff erzogen/ vnd mir viel guts dafelbs widerfahren/ hab E. E. E. F. W. zu ehren ich/ lampt meinem lieben Gevatter vnd Mitconforten/ folchen neuwen Teutfchen Iosephum vnter E. E. E. F. W. Namen außgehen laffen/ Haben also gegen denfelbigen E. E. E. F. W. vnfer vnderthäniges / dienftwilliges / wolmeynen vnd fchuldige danckbarkeit öffentlich bezeugen wollen / mit vnderthäniger bitt / E. E. E. F. W. wollen folches zu günftigem gefallen von vns auff vnd annehmen. Vnd thun hie mit E. E. E. F. W. mit wünfchung langwiriger / glückfeliger vnd friedlicher Regierung/ in deß Allmächtigen fchutz vnd fchirm befehlen. Geben zu Franckfurt am Mayn / den neunnden Septembris / im jar 1569.

Euwer Edlen/ Ehrfamen/

Füfichtigen/ Weißheiten

Vnderthänige/

Dienftwillige/

Sigmund Feyrabend / vnd Georg

Rab / beyde Bürger vnd Buch

händler zu Franckfurt am Mayn.

d4^v

Von Flauij Jofephi Leben
vnd Schrifften.
Eufebius im dritten Buch von der Kirchen Hiftorien/
im neunnden Capitel.
FOlgends ift es der arbeit wol wehrt/ daß man erler
ne/ wer diefer Jofephus gewefen/ vnd woher/ oder auß welchem
Gefchlecht/ er kommen feye/ der vns fo vil Gefchichten zu erkennen geben hat.
So erzehleter nun folches auch felber/ da er von fich felbs alfo fchreibt: Jch Jo=
sephus / ein Son Matathie / ein geborner Hebrer / ein Priefter von Jerufa
lem/ hab im anfang deß Kriegß felbs wider die Römer geftritten/ vñ bin in den letzten Schlachten
nichts defto weniger auch dabey gewefen/ als mich denn die not darzu gezwungen hat.
So ift nun kundt/ daß diefer Mañ zur felbigen zeyt nit allein bey den Jüden/ feinen Mitbû=
gern/ fondern auch bey den Römern für einen ehrlichen berühmten Mañ gehalten worden ift / al
lo daß er auch von wegen feiner Kunft in der Statt Rom mit einer Bildfeuwil verehrt worden /
vnd feine Bücher in die Liberey verordnet find / Denn er hat die Hiftorien von alten Gefchichten
in zwentzig Büchern befchrieben. Die Hiftori aber von dem Krieg/ fo die Jüdē mit den Römern
geführt/ hat er in fiben Bücher verfaßt/ welche er nit allein in Griechifcher Sprach zierlich dar=
gethan/ fondern fagt/ Er habe fie auch in feiner Mütterlichen/ das ift/ Hebreifcher Sprach/ feinen
Leuten an tag gegeben/ vñ ift wol wehrt/ daß man jm vor allen andern glauben gebe. Es find
auch
zwey andere Bücher difes Manns vom altem Herkommen der Jüden vorhanden/ in welchen erei=
nem Grammatico / mit namen Appion/ widerfpricht / der zurfelbigen zeit wider die Jüden ge=
fchrieben hatte/ deßgleichen auch andern begegnet/ die deß Jüdifchen Volcks Sitten vnd Sa=
tzungen gefchmähet haben.
Jtem bald hernach im zehenden Capitel.
ER hat auch fonft noch ein ander fchönes Buch laffen außgehen/ daß nem=
lich das gemüt das Regiment in vns habe / welchem Büchlin etliche einen andern Titel
gegeben/ vnd von den Machabeern genennt haben/ dieweil der Machaber/ der Gebrüder
Kampff vnd Streit/ für die Gottfeligkeit vnd rechte Religion darinnen begriffen. Auch fagt er
felbsam ende deß zwentzigften Buchs von alten Gefchichten / wie er im fürgenommen hab in vier
Bücher zu verfallen/ nach Vätterlicher Religion vnd Glauben / von Gott/ von feinem wesen/
von feinen Gefetzten/ vñ von vrfachen / derhalben jnen etliche ding erlaubt/ etliche verboten
feyen.
Vber das / fagt er/ haber auch noch andere Bücher gemacht.
Zu dem hat er auch am ende gemeldter Bücher einen von Tiberias/ mit namē Juftum/ der
fich auch das Werck/ fo er vollbracht/ anzugreifen vnderftanden / mit folchen worten lügen
ge=
trafft: Jch hab mich aber in meinem Schreiben deiner weiß nit befliffen/ den ich hab meine Bü=
cher/ da die Händel vñ Gefchicht noch fchier für augen waren/ beydē Keyfern felb fürgelegt/ Deñ
ich wußte wol/ daß ich in allen dingen die warheit behalten hatte/ hab auch jres Zeugnüß nit
vergeb
lich erwartet. Jch hab folche Bücher auch andere mehr fehē laffen/ deren viel dem Kriegfelbs
bey=
gewohnt haben/ als der Kônig Agrippa/ vñ etliche feiner Verwandten. Vñ hat jm Keyfer Titus
fo gar wol gefallen laffen/ daß menniglich auß diefen Büchern zu erkanntnuß der Gefchicht kom
men fol/ daß er mit eygener Hand vnderfchrieben / fie follten von jederman öffentlich gelesen
wer=
den. Aber der Kônig Agrippa hat in zwey vnd fechtzig Sendbrieffen von vnfers Wercks war=
hey gezeugt/ deren ich auch zween eynverleibt hab.
Hieronymus im Buch/ Erzählung der Kirchen
Scribenten genannt.
JOsephus / ein Son Matathie / ein Priefter von Jerufalem / ift / als er von
Keyfer Velpafiano gefangen/ bey feinem Son Tito gelaffen worden. Nach dem er gen
Rom kommen/ hat er beyden Keyfern / dem Vatter vnd dem Son/ fiben Bücher von der
Jüdifchen

d5^r

Herkommen/ vnd Leben.

xvij

Jüdifchē Gefengnuß fürbracht/ welche auch in die gemeine Liberey find vberantwortet worden/ vnd ist er von feines herrlichen Verstandts vñ Kuntt wegen mit einer Bildfeuwlen zu Rom verehrt worden. Er hat aber auch andere zwentzig Bücher von alten Gefchichten/ von anfang der Welt/ biß auff das viertzehend jar Keyfers Domitiani/ gefchrieben/ deßgleichē zwey Bücher von altem Herkommen der Jüden/ wider Apionem Grammaticum von Alexandria/ welcher zur zeit Keyfers Caligule auff der Heyden feiten Bottſchafftswēiße gefchickt war / vnd wider den Philonem auch ein Buch/ darinnen ſchmähung deß Jüdifchen Volcks begriffen/ gefchriben hatte. Es ist auch ſonft ein fehr ſchön Buch vorhanden / das Joſephus vom Regiment der Vernunft gemacht hat/ darinnen auch der Machabeer Marter vñ ſtandthafftig Zeugnuß beſchriben iſt. Dieſer hat auch im achtzehenden Buch von alten Gefchichten frey öffentlich bekennt/ daß Chriſtus von feiner groſſen Zeychen wegen von den Phariſeern vmbgebracht ſeye/ daß auch Joannes der Täufer ein rechter Prophet gewefen/ vnd die Statt Jeruſalem/ von wegen deß Morts am Apoftel Jacobo begangen / zerſtört worden ſeye. Er hat aber von dem HERRN auff dieſe weiße geſchrieben:

Zur ſelbigen zeit iſt Jeſus gewefen/ ein weiſer Mann/ ſol man jn anderß einen Maß nennen/ Deñ er thete wunderbarliche Werck/ vnd war ein Lehrer der Menſchen/ die die Warheit mit luſt annehmen/ er hatte vil Jüden vñ vil Griechen die jm nachfolgeten. Dieſer war Chriſtus. Vnd als jn auff vnſerer Oberften anlag Pilatus zum Creutz verrtheilt hatte/ haben gleichwol die jenen/ ſo jn anfänglich lieb gehabt/ nicht abgelaffen / Denn er jnen am dritten tag widerumb lebendig erſchienen iſt/ alſdem die Göttliche Propheten / beyde dieſes/ vnd ſonft viel anderß wunderbarlichs dings / von jm zuvor gefagt haben / Es hat auch das Chriſtlich Volck / ſo von jm den Namen bekommen/ biß auff den heutigen tag noch nicht auffgehört.

Jtem in der Epiftel an die Jungfrauen Euftochium.

SOlche weiße/ fagt Philo/ Platonifcher Rede Nachfolger/ vnd Joſephus/ der Griechiſche Liuius / im andern Buch feiner Hiſtor vom Jüdifchen Gefängnuß/ haben die Effeer gepflegt zu führen.

Jtem im Sendbrieff an Magnum/ einen Römiſchen Redner.

JOſephus hat/ deß Jüdifchen Volcks alt Herkoñen zu beweifen/ zwey Bücher wider einen Grammatieum von Alexandria / mit namen Appion/ beſchrieben / darinn er ſo viel Zeugnuſſen auß Weltlichen Scribenten eynführt/ daß ich mich drüber verwundern muß / wie doch ein Hebreiſcher Mann/ der von Kind auff in heyliger Schrifft vnderwieſen iſt/ alle Liberey vnd Bücher der Griechen hab durchſuchen können.

Suidas/ im wort/ Joſephus.

JOſephus / ein Jüd/ der warheit Liebhaber/ der deß Vorläuffers/ vnd vnſers HERR vnd Gottes vnd Heylands Jeſu Chriſti/ gedenckt / ein Son Matthei / eins Prieſters von Jeruſalem / der die alte Jüdiſche Gefchichten in zwentzig Bücher beſchrieben hat. Dieſer/ als er von Veſpaſiano vñ ſeinem Son Tito gefangen worden / iſt er bey der Belägerung vnd Eroberung der Statt Jeruſalem geſaſſen / vnd nach dem er mit jnen in die Statt Rom koñen/ hat er ſiben Bücher von Eroberung der Statt Jeruſalem für die Könige gebracht/ welche Bücher der gemeinen Liberey vbergeben ſind / vñ von wegen der Ehren / ſo er mit feiner Beſchreibung erlangt hat man jn würdig geacht / daſ im ein Bild auffgericht würde. Er hat aber auch zwentzig Bücher von alten Jüdiſchen Gefchichten beſchrieben / von der Welt anfang / biß auff das viertzehend jar Keyfers Domitiani / auch zwey andere Bücher von der Jüden altem Herkommen/ wider Appionem einen Grammaticum von Alexandria / welcher vnder Keyſer Caligula ein Legat von der Griechen Parthey gefandt war / den Philonem zu verklagen / durch ein Buch/ darinnen deß Jüdiſchen Volcks verdamnuß begriffen war. Es iſt auch ein ander Buch Joſephi/ vnm Regiment der Vernunft/ darinn von vielen herrlichen Tugenden gefagt / in welchem auch deß leydens der Machabeer gedacht wirdt.

Dieſer

Von anfang/der Welt/biß auff das viertzehende jar Domitiani/ſind 4058. jar

Joſephus der Griechiſche Liuius von Hieronymo genennt.

Der Vorläuffer iſt Joannes der Täufer.

d5^v

Flauij Jofephi Leben.

Diefer bekennt im achtzehenden Buch von alten Gefchichten öffentlich/ daß Chriftus von feiner herrlichen Zeichen wegen von den Jüden vmbgebracht feye/ vnd daß Joannes warhafftiglich ein Prophet gewesen/ daß auch Jerufalem daruñ zerftört worden feye/ dieweil fie Jacobum/ den Apoftel / erwürgt habē. Er fchreibt aber von vnferm HERRN Jefu Chrifto alfo: Es war aber zur felbigen zeit Jefus/ ein weißer Mañ/ fo man jn anderß einen Mañ nennen darff/ Deñ er wun= derbarliche Werck thete/ vnd ein Meifter vnd Lehrer war folcher Leut / die die Warheit mitluft vnd lieb auffnahmen/ Hat jm auch viel vnder den Jüden / deßgleichen viel von Griechen/ vnd auß der Heydenfchafft / anhängig gemacht/ Diefer war Chriftus: Vñ nach dem jn Pilatus auff vnferer fürnemelten Männer anlag zum Creutz vervrtheilt / haben gleichwol die jenigen / fo jn an= fänglich lieb gehabt/ nicht nachgelaffen: Denn er jnen am dritten tag widerumb lebendig erfchie= nen ift / vnd haben die Propheten Gottes / beyde diefe/ vnd vnzehlich viel andere wunderbarliche ding/ von jm geweiffagt/ vnd hat das Volck der Chriften/ fo von jm alfo genennt worden/ biß auff den heutigen tag noch nit abgelaffen. So viel hat Jofephus im achtzehenden Buch von Chrifto Jm Suida folgt darnach weiter/ wie Jofephus dem Velpaliano hab zuvor gefagt / daß er gefagt.

Keyfer fol werden. Daffelbig magstu lesen im dritten Buch von den Jüdifchē Kriegen / im fiben vndzwentzigften Capitel / darauß es denn genommen / vnd in deß Suida Buch gefetzt ift. Photius/ Patriarch zu Conftantinopel.

Diefer fagt in feinen Büchern / darinnen er alles / was er gedenckwürdiges gelesen / verzeichnet/ daß dieses hochberühmten Gefchichtfchreibers Hiftori mit allen lieblichen Blumē der zierlichen Redner Kunft gefchmückt feye/ von wunderbarlicher klarheit vnd hellem fchein der Rede gleich leuchte vnd einen glantz von fich gebe / vnd voll mannigfaltiger

Händel vnd mancherley weißer Sprüch ftecke / darinnen alles mit fonderer zierd erzehlt / Land= fchafften/ Schlachten/ vnd andere ding/ wunderbarlich befchrieben/ auch die Reden zu gemeinem

Volck/ vnd andere Vermahnungen/ weißlich vnd ernftlich mit vndergemengt werden. Theodorus Methochita.

Diefer erweiset in feiner Verzeychnuß der herrlichē weißen Sprüch/ daß diefer Scribent Jofephus nit etwan auß einer schlechten geringen vrfach / fondern von für= trefflicher Kunft vnd Weißheit/ fonderbarer wolredenheit/ vnd herrlichen lobs vñ ruhms wegen/ beyde feins Adels vnd Tugend halben / verddient habe / daß zu Rom nicht allein feine Bücher in die gemeine Liberey geben/ fondern jm auch ein Bildfeuwel auffgerichtet worden feye.

Ende der Zeugnuffen herrlicher vnd gelehrter Männer vom Leben vnd Schrifften Jofephi.

Regifter